

No Kasapulam ti Privacy —Ania ti *Aramidem*?



NO KAYATMO TI AGMAYMAYSA

KAPADASAN

“No dadduma, kayatko ti agmaymaysa ken aramidek dagiti bambanag a bukukodko. Ngem kaslaak la ubing iti panangitkita dagiti manangko, ken kayatda nga ammuen ti amin! Awan met ketdi ti ilimimedko, ngem diak la kayat ti agestoria kadakuada!”
—Allison.

Panagkunam, apay ngata a kasla ubing ti panangitkita dagiti manang ni Allison kenkuana?

Ania ngata ti mabalin nga aramiden ni Allison tapno maibagana kadagiti manangna a kayatna nga ikkanda iti privacy?

No sika ni Allison, ania ti *aramidem*?



ITI KUARTOM



KAPADASAN

“No madi ti aldawko, kayatko ti agmaymaysa. Wen, mayat no addaanka iti nagannak a mangipatpateg kenka, ngem no dadduma, sumrekda lattan iti kuartok idinto ta kasapulak ti agmaymaysa!”
—Ryan.

Panagkunam, maseknan ngata dagiti nagannak ni Ryan kenkuana?

No wen, ania ngata ti ar-aramiden (wenna saan nga ar-aramiden) ni Ryan isu a madanagan dagiti nagannakna?

No sika ni Ryan, ania ti *aramidem* tapno agtalek kenka dagiti naganakmo?



TI SELPONMO

KAPADASAN

“Basaen ni Mamang dagiti teks iti selponko no makitana a nakawara dayta. Naminsan, im-block-na pay ketdi ti maysa a gayyemko ta ipagarupna a saan a nasayaat ti impluensiana kaniak.”
—Nadine.

Panagkunam, maseknan ngata ken Nadine ni mamangna?

No wen, ania ngata ti ar-aramiden (wenna saan nga ar-aramiden) ni Nadine isu a madanagan ni mamangna?

No sika ni Nadine, ania ti *aramidem* tapno agtalek kenka ni mamangmo?
